



Philosophical Transactions

Please note: Due to an error in the print volume, the page numbering in this article may contain either page numbering skips, or page numbering repetitions, or both. However, the article content is presented in its entirety and in correct reading order.

Please click on "Next Page" (at the top of the screen) to begin viewing the article.

II. *De Piscibus, Moluscis & Crustaceis Philippenſibus,*
Ex MSS. R. P. Geo. Joſ. Camelli ad D. Jacobum Petiver, S. R. S. tranſmiſſis.

1. **B***angsî*, Hyſpanis *Volador*, eſt *Milvus* marinus.
 2. *Baſac*, vel *Tambafacan*, v. *Tambalo*, eſt piſciculus manatus amphibius, vivens mari & terra, in littore duabus quaſi manibus innixus diſcurrere ſolitus.

3. *Aſaſa*, v. *Humaban*, v. *Quiquicbuaya* Byſaianis, *Parolog* Tagalis, *Dumudum* Catanduanis, eſt *Hypocampus* marinus. *An* ab hoc diſtinctus *Talli* ?

4. *Talli* Byſaianis, *Hypocampus* auriculatus, caput equinum, corpus coſtis compactum, caudâ lacerti.

5. *Hipou*, v. *Dilis*. Species *Squille marinæ minimæ*, v. *Formica marina*. Narrant tempore foetationis in monſtroſæ magnitudinis glomum conglomerari, ita ut neſcio quale monſtrum mentiatur, & tandem circa littus diſſolvi. Eadem confirmat Fra. Ant. dela Zarza. *Vide D. Petiver.*
 GAZOPHYL. NATURÆ Tab. 43. fig. 13.

6. *Cobapo*. Piſcis merum venenum ſpinis viridibus, quarum iſtus viperâ quâvis immedicabilior.

7. *Manala*. Piſcis Marinus, nocuus ſpecificè Morbo Gallico laborantibus.

8. *Calambutan*, Tagalis Nooz. eſt *Sepia*, Hiſp. *Xibia*. Os *Sepiæ*, Hiſp. *Choca*, duarum ſpithamarum & trium invenitur.

9. *Pagi* eſt *Paſtinaca* marina, Hyſp. *Raya*. Radio ſeu aculeo, Indis *Banſul* gingivæ ſcarificatæ in odontalgia dolorem tollit, ſed oportet ut radius vivo Piſce exemptus ſit. Hunc pulveratum cum *Eleboro albo* mixtum, facere dentes ſine dolore excidere ſolent.

10. *Piscis Quadrangularis*, Orbibus annumerandus, Hyſp. *Peje Caxon*, id eſt *Piscis Cista*, Indis Boholanis *Tabalong*, Leytenſibus *Tabarong*, Tagalis *Botele cavan*, eſt ſpecies *Snot-celſi* ſecundi *Gefneri*, deſcriptionem vide ſol. 84, Iconem *Tab. xxv. No. 7.* apud *Iohnſtonium*. In Icone Pinna in ſine ventris deſideratur, & angulorum proſtantia.

11. *Piscis Quadrangularis alter*, ſeu *Minor*, Facie *Tauri*, Cluſio *Piscis Triangularis*, Iohnſtonio *Piscis Tauriformis*, Hyſp. *Peje Torote*, Indis *Botele Mayſungay*. Veſcus eſt ut prior. Cluſii *Triangularis*, collatus cum Luzonis *Quadrangulari minori*, idem eſſe videtur, ſed *Icon Cluſiani* nimium globola, cum quem reſiccatum aſſervabam prolongatus ſit, & quandoque ſeſquipalmaris. Quare an idem ſit ignoro.

12. *Gadiamina*, Ballæna Ambravoma Joloanis.

13. *Tandayag*, & 14 *Tambobala*, Balænae.

15. *Bujhaca* Maſſa eſt alba quaſi ſævacea, à Mari in littus eſecta, colligitur circa *Tayavas* & *Tal*. Illitam *Bronchocele*m diſſolvere tradunt. *An Sperma Coeti Officinarum?*

16. *Bela Sinarum*, de fertur ex *Canchinchina*; ſunt autem panes 20 circiter librarum, candidi, ſævacei, ſolidi- uſculi, lapidis ſpecularis ritu, quodammodo in bracteolas ſciſſilis inſipidi, & ſævum olentis liquoris. Ad Tuſſes, & puerulorum diarrhæas commendant. *An Sperma Coeti Offic.?*

17. *Puqitan*, *Polypus monſtroſus*, & tam exorbitantis magnitudinis, ut pedum quivis majorem adæquet Pinnum, quibus penè nullo negotio navim mergat. Latitat ad Inſulam *Iolo*, Batavis *Inſula Margaritifera*, in ſinu *Mindanaï*, in ſinu *Sibuco*, in Freto *Sibuco*. *An Piscis Remorans Iohnſtonij, Nirembergij, Linſchotani?*

18. *Colaloca*, *Retiarus tremendus*. Inſultum facit in hujates Biremes, rete jactans, quo eas involvit, & demergit. *Indi* periculum eludunt objiciendo eparentiâ magna ex palmis compaſta volumina, queis diverſitur & illuditur.

19. *Lavin-*

19. *Lavinduyong*, f. *Tagan*, *Amamaspas* Boholanis, seu *Gladus denticulatus aculeatus*, sive *Pristis* Rondeletij, est *Gladus Johnstonij primus*. Promuscidem hujates contra fulmina valere volunt. Hysp. *Peje Sierra* & *Peje Espada*. Abundat in lacu *Bay*: Pinguedo lampadibus deservit.

20. *Quataffi Marianorum* ; *Hyspanis Peje Espada*, est *Gladins Johnstonij secundus*, promuscide lævi. Aliis *Bacangan*.

21. *Pexe Lanza*, seu *Piscis Lancea*, corpore est suppari Tonninae, seu Delphini. Caput porcinum promuscidis loco longâ, & ut coreum *Raye*, asperâ armatum lanceâ. Alæ membranaceæ ut *Vespertilionis*, longitudinis ipsius corporis, latitudinis quandoque orgyialis, quibus velocissimè biremes insequitur, & non nunquam navis puppi lanceam infigit, aut etiam magis audaculos piscatores transtodit.

22. *Duyong* Indorum, *Peje mulier* Hyspanorum, *Haybe* Sinarum, est *Manatus* Clusii, & aliorum. Icon Piscis Anthropomorphos *Iohnstonij* ex *Kircherio* spuria est, & adinventata. Dentes & Costæ medicum in usum veniunt: Attamen ossicula ex capite circa aures efficaciora sunt. Ex his sphaerulæ & monilia fiunt, in Rheumate, Catharro, distillatione, deflexione, & sanguinis profluvio quocunque parti contrariæ applicanda. Probantur si sanguis ex incisa vena effluens, sine morâ admotis sistatur. Rasuram crudam in dysenteria, & febribus commendant; Suffumigium ex ea tenescimo. *Schroderus* ussa laudat in renum & vasa calculo, dolore nephritico, & colicâ, alij in gingivis erosio pro dentifrico. *Dentes* appliciti in arteria Pollicis recissa, illico sanguinem stiterunt *Josepho Hernandez* puero. Umbilico impositi mulieri, quæ 18 dierum copiosissime fluxu lochiorum exhausta erat, feliciter fluxum retardarunt. Indo è contra narium critica hæmorrhagia debilitato, quoties corpori applicati fuere, toties fluxum vehementer auxerunt.

23. *Pogapo* Byssianis, Leytentibus *Mogapo*, Piscis est formæ Tiburonis, c. major bicubitalis, coloris nigro-morrelli. Caput magnitudinis quartæ partis sui corporis, Fanges magna, corpus parum squamosum; vescus est.

24. *Remora* seu *Echeneis*, *Indis* *Boholanis* & *Zebuanis* *Comi*, *Leytentibus* *Quini*. An *Brasilienſium ſpernquiba* ? Ordinariè piſcibus majoribus, & navibus inhæret; quas in curſu impedit, & retardat, quamvis non eâ violentia, qua paſſim, & vulgò narratur. Longitudinis eſt ſpithameæ, & ultra, coloris ex albido fuſci, ſubviolaceè relucens. Capite ſupino acetabula habet ſimbreata, ceu cirrata, tranſverſaliter poſita, ut ſtrigilis denticulatæ ſeries, quibus pertinaciſſimè hæret, ita ut omni conatu trahendo, citiùs corpus, relicto capite, detrahatur; antequam caput diſjungatur, ſi verò corpus caput verſùs adigas facilè diſtinitur, & ſeparatur à re cui inhæſitat. vid. *GAZ. NATUR.* Tab. 44. fig. 12.

25. *Bangol*, Piſcis *Catanduanus*, totus intra & extra ruberrimus, ſquamarum loco ſubverrucofus ut *Rana*, alatus ut *Hirundo*, alæ ſtriatim pictæ ut *Tinnunculi*, ſeiſquiſpithameus, venenatus & non edulis. Suspendunt eum caudâ, branchijs infixò *Stylo*, & ita per noctem, omnis ejus caro, remanente tantummodo ſpinâ in ſanguinem reſolvitur, quem manè ex ſuppoſitis vaſculis colligunt, & tincturis deſtinant; eo infecta coloris Laccæ ſunt, floridæ, & conſtantis. Vide Fig. in *GAZOPH. NATUR.* Tab. 3c. fig. 2. *D. Peterer*.

26. *Piſciculus Tampal*, ſeu *Daledale*. Seſquipalmam longus, biunciam latus, planus eſt ut compreſſus, pronè argenteus, ſupinè terreus, Squammulæ crebræ, ſpinâ majori tantum donatus, edulis. Vid. Fig. in *GAZOPH. NATUR.* Tab. 26. fig. 10. *Jac. Peirver*.

27. *Bigo*, Sanguifuga marina, piſcis. Piſciculus eſt tenuiſſimus, vix ſeſquiuncialis, applicitus ſine morâ ſanguinis ſilum educit, nec dolorem, inflammationem, aut tumorem inducit, aut cauſat.

28. *Comondajha* *Byſaianis*. ſpecies eſt Locuſtæ marinæ, ſive *Tamara-guacu* *Brasilianorum* *Johnſtonij*, ſeu *Hippocampus Locuſtæ Mar. Spec.* *Matthiol.* Quam integrum vidi, formæ & magnitudinis erat, quâ à *Matthiol.* depingitur. Aſſervo & alterius forſices, quarum unus ſolus articulus, digittum Indicem longus eſt. N. B. Longiſcule denticulatæ, falces brachiiſ

brachiis inferuntur foraminulatis, cultelli complicatilis in modum reflexæ.

29. *Olang*. *Locusta marina* major.

30. *Colagia*. *Locusta marina* minor.

In Provincia *Pangasinan*, circa Metropolim *Lingayen*, ex fluvio arbores conscendere narrant, Animalia spithamâ longiora equo phalerato similia. *Berd. Carasco*. *An Species Locustæ fluviatilis?*

31. *Manla* Boholanis, Zebuanis & Panayensibus, *Tila* Leytensis, species est squillæ marinæ, quandoq; longitudinis bicubitalis.

32. *Banagan*. Species est *Astaci marini*, cornuti, echinati, paleari, luteo, & cinabarino variè & elegantissimè picturati. Vid. in GAZOPH. NATUR. *Jac. Petiver*. Tab. 29. fig. 7.

33. *Talangca*. *Astacus lacustris* magnus.

34. *Catung*. *Astacus fluviatilis* parvus.

35. *Bungcan*, *Cancellus* parvus, vix uncialis, vescus, gaudens æstuariis, pulcherrimè omnibus coloribus variegatus. Forficula una pusilla, altera corpore quadruplo majore.

36. *Alimango*. *Cancer marinus* major.

37. *Alimafag*. *Cancer marinus* minor.

38. *Cancellum terrestrem*, hirsutum, qui gaudet *Palmetis* *Cocco-Nuciferis*, commendunt ut summopere proficuum diarrhæa laborantibus.

39. *Mentula marina*, Indis *Balat*, est *Zoophytum* marinum vescum, formæ tubæ, bivalvis. Sine illud pluris æstimant, quàm *Tragacanthum Indicum Venerenum*, seu Nidos avium *Salgan*, & ad eadem commendant.

40. *Timpalan*, *Zoophytum marinum*, species *Spongiæ*, vide in supplemento in *Hist. Plant.* Joan. Raij lib. 1. fol.

77. titulo *Plantæ marinæ saxatiles*, & *Zoophyta*.